

**Broj: 01-05-6-07188/2017**

**Sarajevo, 03.01.2018. godine**

Na osnovu člana 90. Zakona o javnim nabavkama Bosne i Hercegovine („Službeni glasnik BiH“, broj 39/14), Pravilnika o postupku direktnog sporazuma („Službeni glasnik BiH“, broj 90/14), te čl. 6. i 7. Pravilnika o postupku javne nabavke putem direktnog sporazuma u Federalnoj upravi za inspeksijske poslove broj 01-02-6-01567/2015 od 31.3.2015. godine, nakon razmatranja Preporuke Komisije za javne nabavke broj 01-05-6-07188/2017 od 28.12.2017. godine, Direktor Federalne uprave za inspeksijske poslove u ime ugovornog organa, d o n o s i

## **ODLUKU**

### **o dodjeli ugovora za nabavku usluga – pranje službenih vozila Federalne uprave za inspeksijske poslove**

#### **I**

Prihvata se ponuda ponuđača SZR „DADO“ broj 152/17 od 19.12.2017. godine, te se ugovor o nabavci usluga-pranje službenih vozila Federalne uprave za inspeksijske poslove dodjeljuje navedenom ponuđaču, pod slijedećim uslovima:

- Ukupna cijena ponude: 3.804,00 KM bez uračunatog PDV-a, za planiranih 324 kompletnih pranja putničkih vozila po jediničnoj cijeni od 7,00 KM bez uračunatog PDV-a i planiranih 192 kompletnih pranja teretnih/terenskih vozila po jediničnoj cijeni od 8.00 KM bez uračunatog PDV-a;
- Isporuka usluga će se vršiti sukcesivno u skladu sa potrebama ugovornog organa;
- Ugovor će se zaključiti na period od: 1 /jedna/ godina dana od dana zaključivanja istog;
- Uvjeti plaćanja: 30 dana od dana ispostavljanja fakture, u skladu sa Budžetskim načinom plaćanja.

#### **II**

Ugovorni organ će sa ponuđačem iz tačke I ove odluke zaključiti ugovor kojim će se regulirati međusobna prava i obaveze vezana za predmetnu javnu nabavku, a u skladu sa uslovima definisanim tenderskom dokumentacijom i zakonskim propisima koji regulišu postupak ugovaranja.

#### **III**

Ova odluka će se objaviti na web stranici Federalne uprave za inspeksijske poslove.

## **Obrazloženje**

Direktor Federalne uprave za inspeksijske poslove je svojom odlukom broj 01-05-6-07188/2017 od 13.12.2017. godine pokrenuo direktni postupak javne nabavke usluga-pranje službenih vozila Federalne uprave za inspeksijske poslove.

Postupak je provela komisija za javne nabavke imenovana rješenjem direktora uprave broj 01-05-6-00291/2017 od 17.01.2017. godine.

Komisija je dana 13.12.2017. godine uputila zahtjev za dostavljanje ponude SZR „DADO“, Hamdije Kreševljakovića broj 43, Sarajevo, a prilikom definisanja ponuđača kojem će uputiti zahtjev za dostavljanje ponude kao kriterij je koristila lokaciju na kojoj se nalazi ponuđač, odnosno da isti bude lociran na mjestu koje se nalazi u blizini garaže u kojoj se parkiraju vozila uprave, kako bi se izbjegli dodatni troškovi odvoženja vozila na pranje.

Ponuđač SZR „DADO“ je dana 19.12.2017. godine u roku ostavljenom zahtjevom za dostavljanje ponude dostavio ponudu u kojoj je ponudio kompletno pranje putničkih vozila uprave po cijeni od 7,00 KM, a kompletno pranje teretnih/terenskih vozila po cijeni od 8,00 KM. Ukupna ponuđena cijena za planiranih 324 pranja putničkih vozila i 192 pranja teretnih/terenskih vozila iznosi 3.804,00KM bez PDV-a. Ponuđač je uz ponudu dostavio i izjavu u kojoj se navodi da autopraonica „Dado“ čiji je vlasnik Delalić Halid nije u sistemu PDV-a.

Nakon što je izvršila evaluaciju ponude, komisija je direktoru uprave dostavila preporuku broj 01-05-6-07188/2017 od 28.12.2017. godine, u kojoj je ponudu ocijenila prihvatljivom, te predložila direktoru da donese odluku kojom će ugovor dodijeliti navedenom ponuđaču.

Prilikom razmatranja dostavljene preporuke Direktor Federalne uprave za inspekcijske poslove nije našao razloge, nepravilnosti niti propuste u radu koji bi eventualno predstavljali osnov za neprihvatanje preporuke komisije za javne nabavke, te je odlučio kao u dispozitivu.

  
**DIREKTOR**  
  
**Anis Ajdinović**

**Dostaviti:**

1. SZR „DADO“, Hamdije Kreševljakovića 43, 71000 Sarajevo
2. Komisija za javne nabavke
3. Sektor za materijalno-finansijske i tehničke poslove
4. Sektor za tehničku podršku i plansko-analitičke poslove